


議公之所。其後有斗室。尚可作學堂。旁有臥房。亦可下師榻。柰爲唐市。汎張公德鵬所寓。倘公祖移文勸遷。實沾恩便。今冬建議已遲。鄉鎮蒙董皆已定入村塾。所以報名寥寥。明秋方可多集。況赤貧子弟。亦難枵腹讀書。必須日助一飯。否則爲人牧牛。以免飢餓。弗顧一丁不識矣。更有祖父愛名。以入義學爲恥。必須善爲勸導。引王播發跡之事。方克允從。董此事者。倍難。或離鎮稍遠。旦晚未便往還。尤需撥資村師。以收寒畯。弟捐數無多。不遑他顧。未識何日得彌遺憾。庶惟有勉竭愚衷。力圖報命而已。開塾日期。定於新正廿二日。領諸生進學拜師。設席陪坐。瑰字小書。以及桌稅供帳。當預備也。再講約新章。已於吳學師處覽過。謹遵照辦理。并此瑣復。敬賀歲禧。不宣。

附呈規條

一 莫城鎮跨三圖。准該處地保於附近里許。查明孤寒子弟。曾未識丁者。或一二年已出塾者。報知鄉董存簿。以備新正擇吉送入義塾。

一 司董於開館日。衣冠到塾。率諸生拜師。恪遵師訓。資敏者可圖上進。漸次知文。卽資鈍者。亦可肄書。備記



帳目况讀書明理識字謀生關係非輕全在鄉董玉

一成塾師勤課

一義學專為貧苦而設倘力能讀書之家濫送入塾一

概不准或身家不清白者亦不得濫收

一童子入塾毋得踰十人之數蓋小生類開荒田師已

勞頓倘環坐者多心神安能周到不如數寡得以專

營

一塾師聘數品老成通曉文理既能為諸生講解并可

將身作楷模節假不得過七日倘家中有事應試文

一場須倩人代課

一鄉董逐月到塾稽查功課飯食自備不能抽公項開

銷唯塾師正月開館應備酒筵往特地保應候年酒

席費自當撥給


一捐項收存公正鄉董一手經理諸費逐一登簿以備

眾目傳觀毋得含混

一塾師脩膳連節儀酌定每年四十千其自炊或包飯

聽從其便接送舟金每節貼補錢二百


一住持廟祝照管門戶灑掃庭階保守器用代塾師置



辦物件每年酬勞金二千按季致送
一坐圖地保自勸捐至開塾自開塾至年終不無差遣
三節共給力金一千二百文別圖地保每報一童給
錢一百
一勸捐舟金收捐力金之費應照賬補償
一塾師脩膳以外當折送硃墨紙筆樹柴茶葉燈油扇
炭之費第縣尊所補無多鄰近集資又寡目前無項
可撥且俟後圖
一學生無貲買紙墨筆硯必須代置若干且不能飢寒

苦讀必須午留一飯冬贈一襖但存款有限姑備塊
字小書其餘俟有續捐再為備辦
一塾師疎懈不能切實教訓視同己子者司董稟縣請
辭學生中有嬉戲不勤學者痛懲頑梗不率教者黜
退毋令諸弟效尤

一學生熟讀詩書勤摹法帖出言溫雅舉步矜莊足見
塾師訓迪之功司董當出看語請邑侯獎以花紅而
弟子亦須贈膏火之費俟存款優裕酌量補償
一書室脩葺器具裝修應留資待撥毋得浪費致臨時




竭慶

一縣官學師下鄉查課著往持供茶地保供役經費未
充不另給資
一桌稅牀帳及一應物件注簿備查如有缺少著經手
人賠補

一義學奉官而立凡告示諭條存案立碑不准書斗需
索倘有地棍入廟藉端滋擾者許地保稟官懲治
一塾靜始得專業凡庵中佛會不得借坐進香客來不
得闖入俾得潛心參究勿間書功

一董事五人和衷共濟或在鄉查課或入城稟公不得
互相推諉倘年高漸憚煩事冗難兼顧者准其告退
一捐資有餘聽司董存店生息倘有侵蝕者鳴鼓羣攻
一罰賠歸款即挪借未歸者亦著速繳無虧要需
一學生出塾或習手藝或學生意理應助資但草創之
初力不暇給倘能籌款接濟此費當抽
一義塾之設為栽培寒畯也師之教不唯坤佑畢弟之
學不唯識風丁所貴恪遵學規講貫習復使文理粗
通乃非有名無實




一爲司董須實心任事。倘旅遊退視爲具文。學生曷有裨益。所當及早辭退。毋得濫竽。
一攬湊之事。勢難經久。一二歲卽撤局。仍是虛名。莫城爲南鄉倡首。所望樂善君子。年年捐助。勿致有初鮮終。乃爲實濟。
一捐助無多者。不得擅爲主張。紛更不一。須以捐數多寡。定章程之廣狹。閭人毋得流言。局外毋得阻撓。各具天良。務全義舉。
一寡婦之子。赤貧之家。當量加資助。但無餘款。姑待他

年

一逢鄉約之期。塾師當飭弟子聽講。備小學善書。以便宣講。如孝經。聖諭千字文。百家姓。三字經之類。自須授讀。其餘無益身心者。束之高閣。年長者可添幼學。句解。俾知典故。庶應用不窮。
一貧戶孤兒。離鎮稍遠。不便就塾。有遺憾焉。俟經費有餘。許該處地保報知司董。給資送村塾讀書。但不得出三里外。

一經久之計。須助學田。倘有善士捐產。租息有餘。儘可



於彼處鄰庵分設義塾其費由莫城總局抽撥庶無
向隅


一學生而外有鄰近文人於此會課亦須備茶飯燈火
之資但必經費擴充一勺泉尚難他及

一善士既費巨貲司董自當報知縣尊給匾獎勵或於
廟中長生設位或於日後志乘留名况善無不報能
出財力者子弟必聰穎天道不爽惠豈虛施

又
所發尊東地保已送時王李沈四家當有回片俟折正約

同進署拜謝至義學章程開單呈電塾師監生龔廷璜年
四十住四萬蕩文理粗通曾應童試脩膳連節儀共四十
千蒙童六名陳大觀年十二父陳二王小美年九歲父王
松福俱住陳家浜王義生年十歲父王小榮住東頭村南
李金和年十五歲兄李三觀住本鎮鄒滿年九歲父鄒四
榮住殿頭王阿東年十二歲祖王萬興住大淩

董自又
小除夕接奉手書領悉壹是來廉泉十千已交錢總王聘
軒手從今蓬戶識丁明理謀生皆公之賜矣學徒雖少而



塾師自膳薪米費多非僅心力之勞似四十金不得再減
倘必符條例恐有弟無師空談周濟除公祖花信風外司
董自當足成至下年人數倍添必須籌款抽撥否則義田
釀金難久以贖父母視民如子自必設法調劑善作善成
無致孤寒之缺望耳用敢再瀆祈示鍼車敬賀新禧餘容
面罄

補錄南鄉耆碩備舉鄉飲恭呈

邑師大人電答注冊彙詳


南四場四十七都十二圖貴涇附貢生時均年七

十二於道光三年周學憲取入常庠品端誼篤
頗有古風前粵匪強派偽官卽戒姪輩以滅門之
罪同心力拒致其子被押刑房而與人文一惟厚
道爲鄉里楷模

南三場四十三都三十三圖王潤橋王陶金年七十

氣和詞寡一族化之稱善門而能冒險入賊巢救
良民於刀下身被倒懸耳割其半厥後偏以偽官
誓死不就力敦品節至老不移

豐二場四十四都六圖莘莊職員李仲琳年七十其




父多義舉稱李好人仲琳克肖為人排紛難不忍
坐視賊匪慕其名舉為偽帥力辭而逃至今脩德
不衰人言無間

豐二場四十四都十六圖黃土洪沈廷壻年六十家
貧而好善凡神祠佛宇率多領緣其子名醫也稟
父命不計酬金鄰近寡人皆送診教子弟以先正
格言故登其門者皆馴良

元巳呈張竹淦觀察丈
憶自鵝湖萃聚七易春符鳩杖睽違重懷夏屋正擬寸丹

上達迺承尺素先頒荆布了道累酒廚之分惠棗梨傳作
移經筭以饋貧捧稠疊之鴻施形懽欣而雀躍祇以倥偬
歲務箋覆久稽冷落儒袍錦投闕報愧閒雲之懶徒負識
丁涵淡水之交幸叨知己比維椒花獻頌爆竹迎祥放元
旦之鳩籌添八十開畫堂之燕履集三千牽子抱孫娛老
臻夫蔗境館甥為主報恩請以芝封珂里呼地行之仙
耆英推首錦堂享天降之福後輩傾心回思上舍蜚騰名
揚馳驟行完白璧敦孝行於嚴君文選青錢領廣文之介
弟辭一尉而恬退醉草風行工四愁而善鳴吟花月弄橫




渠道學。胞與兼銘公藝儀。型手書百忍。遂令梅溪錢叟難
專美於湘靈。蘭玉謝郎報捷音於泚水。如熙則鷓鴣毀室
狼狽回鄉。幸容接於李門。枝棲婦子。耽嘯歌於蕙館。矩誨
生徒。甲丁兩入文闈。未紹前人之武庚。癸頻呼歎歲。難歡
寒士之顏。轉來賢宰之聘書。重辱撫軍之宏獎。檄宣
誥俾曉諭。夫鄉愚儀習。漢官欲轉移。夫俗尚况飭。舉行義
學。遵范相之遺規。且教代訪人才。得澹臺以上。報豬肝。致
累短慙。義綫之材馬。齒徒加重。負輜軒之任。所望老成。練
達載錫。南針。尊長提擻。無騰北隴。舊詩蒙瀆。翻叨藻飾之

情。新歲履端。敢祝松顏之壽。鄉先生允推少尹。定赴賓筵。
晉老阮談與阿戎。還希父執。茲來羽便。聊鳴向日之忱。用
答手書。乞恕防風之罪。謝多儀之燕樂。期後會之蟬連。敬
賀節禧。伏祈臨照。

正月上巳

沈邑尊

日昨偕同事會張汎官。與商學堂承允。遷讓適接。琅函備
承獎。借感愧奚如。開館日晚。當代作主人。迎師入塾。監弟
讀書。所有酒席及需用物件。敬謹預備。章程貼於壁間。以
遵照。脩膳按月致送。無令斷炊。每月塾師勤惰。學生功課。




當五行查察有實非名。至經久之計。必須捐田。第自紅羊劫後。十家九枯。卽有多田翁。亦須自發婆心。非口舌所能強。俟有機緣。容當勸導。上體賢父母創義之心。倘大憲能指款接濟。則生徒遞添。脩脯增益。當更無支絀之虞。况坐畜地保之差。遣住持廟祝之照管。每季須酬。凡書房葺治。器用裝脩。應留資待撥。所費不貲。竊恐勸分難繼。廉泉易竭。全賴賢侯鑒。莫城義塾。向無檀越。為孤寒一請命耳。草此佈覆。均候主裁。卽頌春祺。不戢。

又

前謁琴堂。如坐春風中。令我心化。清談霏屑。香領梅花勝。逐紅塵於燈市矣。西王廟張守戎。已讓遷門房。房竈學堂。均已定妥。廿七日鄉耆。皆見晚當為介引。登龍門。唯義塾師。初開館。擬緩日拜會也。率泐布復。敬請崇安。不莊不備。

又

前引老人星齊步。台階渥承容接。古人乞言之典。猶見今是。惟單父任人始有父兄之事也。唯李瑞翁後。至未及晉謁。想荷汪涵之量。不罪防風。特將名片補呈。備登記室。適聞漕務將竣。不費催料。足見境被仁風。士民踴躍。一年借



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

金切車
寇壘報循聲况久駐陽春耶第晚等飽繫劍城未能時戾
花封暢聽棠訟而睽違十里官止神行宛駘架誨焉信風
又換杏花而報答曾無涓滴憶自辦賑籌餉以及督勇勦
賊歷屆濫竽今復荷獎借之情襄太平之舉析薪負荷理
應勉紹前人惟戢綫短材不堪任用所賴逢人說項連給
豬肝敢拜下風何日忘賜此後脩志採訪建學勸捐還願
勉竭駑駘南鄉承乏上副鏡堂之知今當琴案衡文帶河
督濬未便以革履擾公草擬義學規條錄塵裁奪容俟公暇
再登龍門莫城告示諭條祈備飭交地保祇候春祺伏惟


朗照不宣

二月又

不瞻芝宇酌將兩旬翹企之私無時或釋連接瑤函見拙
作均已加墨採觚率爾翻蒙獎飾逾恒彌形慙泚惜製錦
才忙未暇嚴削然得月旦評已為榮幸矣復擬正場次藝
仍求斧斯恐再三瀆則不告自是弗敢復塵走筆覆謝祇
請升安不宣

三月與高誠齋姻家

通聞老嫂舊恙漸平唯令郎嗽疾未止甚為分憂乃以雞




助之軀又被毒手老拳宜乎增劇竊思和氣致祥應體太夫人愛孫之心視姪如子何竟上不顧母中不顧兄外不顧親以此須算賬之故肆毆病軀如此忍心殊出情理之外倘姪有冒犯應俟身健時以大義責之小輩自然伏罪然有兄在管束惟父未便以小叔擅毆其子姪雖卑幼不得忤叔而弟亦卑幼豈得藐兄幸為兄者體姜氏之情不為鄭莊之伐否則叔毆姪兄亦毆弟各持名分之尊彼此抵當斷無了局焉况姪未得罪於叔叔轉肆兇於姪以為幼不敢校也以為弱不能當也豈知錢財事輕手足誼重

大宗長孫不亞小宗眾子一人有病在鄰里親友尚且哀憐詎以至戚如叔反視性命為兒戲反視母兄如寇讎聞之不勝髮指特遣人邀公子來舍養痾或清談消悶或勝會尋歡俾得迅速復元是為至禱彼多行不義者不足介懷也順頌潭安

四月復金子昂

義根

不見者六七年矣東望停雲正深馳溯忽尺素從容館來快慰之私何可言狀茲際麥秋氣爽想椿庭康健竹報平安得以專攻蛾術轉眴秋風定見雲程發軔歌泮水而歸



也回首戎馬倥傯寓樓聚首聯袂而遊劍鎮推窗而望昆
湖翦燭對牀有如兄弟曾幾何時而春湖馬太守炳卿朱
司馬森叔周騷尹均赴道山惟君與戎喞若晨星曷勝感
慨然如足下少年勵志下筆斐然即此二王書法六朝駢
儷已見進境無涯而昌緒詩學正希文章更可知其入時
矣他日木天妙選非君而誰如弟則白首入闈兩遭按劍
兒又驚鈍祖武難繩近唯奉大憲之委興義學講鄉約以
遣無聊老尚飢驅不足爲知己道耳去歲編刊初稿附呈
策政以當晤言天假良緣還希過我寓齋補頻年之離索


特先布覆祇頌芹喜兼問侍安紙短情長欲言不罄

呈沈邑尊

睽違兩月蓑葛又更飢渴之思何可殫述比稔明奸理弊
鄉鎮頑風掃除淨盡托宇下者何幸如之况課士勸農戴
星出入循聲所播定入絃歌晚以難口之勞頻沐豬肝之
惠涓埃未報殊愧濫竽茲當薪水之領期謹繕寸牋藉申
謝悃俟天中蒲綠再來賀節禧也

與高誠齋

日昨返棹恩恩未遑設燕福星一路定卜平安有陸姓帶



止血草根皆言立效以青蚨買之專足奉獻當以新絳蠶
繭煎服吉人天相特錫此秘方以除崧生之恙想有緣焉
所擬禱天之疏較道家表文稍爲親切知拜焚之後自
沐神憐誠則能靈幸勿過慮附上棗糕全甄祝早康高壽
之兆祈晒納之价回惠我好音諸惟珍重


六月呈吳學師

二十日准於清曉在練塘恭候未進約卷能帶上官舫以
備蓬窗細觀其已來舉貢生監課文有累揮汗評閱識途
老驥洵足開悟後學群服月旦之精惟星如束脩未能按

節上獻恐載酒上潤筆尤易稽延所恃大度汪涵不責一
縑之未報耳專此布復卽頌暑安

復沈公祖

正歌德政忽接教言仰見大仁人矜卹小民不忍煩苛之
意況遇事虛心恩威必原其情良莠務得其實見委訪查
矧小弟事晚卽問之市中公正鄰右老成僉言平素安分
惟爲汎下錢福海製銀篋收洋一枚尚少手工錢一百五
十厥後屢索不償致成口角被汎兵打破櫃檯其母出頭
頂撞彼此始散張汎官聞之將福海戒責小弟自願脩櫃



事已冰消。迨張汎因小弟未曾叩謝。復聽兵丁之懇。不得
已移請飭提。至於暑夕。納涼陶情。絲竹亦以自娛。並未有
唱書聚賭之事。本無庸查究也。業已訪明確實。隨喚其父
瞿四。向張賠罪。并懇霽威。張公面允申請。免提行見俯納。
輿情量寬。小故吳牛。均叨樾蔭矣。揮汗馳覆。謹請暑安。諸
推朗照。不宣。


又

苦暑恐擾鳴琴。不敢觸熱登堂。諒邀冰鑿。唯勸化風俗。不
得少疎。本月冒暑講約。已經六期。因偏災之區。尤宜諭其

安分。幸各處蚩氓。均集如堵。幾至地無可容。間有不孝子
婦。卽遣地保勸懲。各已悔過。足見官師德化。如夏日之陰
奉委者。亦分光寵焉。蒙助義學。廿四十。先收十。已送塾
師脩膳。其餘十四。或作兩次付。或須逐月付。所酌定交
來。註於捐簿。諸費廉泉。感謝無既。專此布頌。升祺。餘惟亮


照

晚忝講約之委。不惜苦口。原欲風俗人心。有恥且格。以上
報憲知聞。和尚甸俞坤以媳黃氏忤逆。告所親。卽喚十八



金塔車利
番地保之夥王三榮往彼勸戒謂不能管束悍妻責在其
子厥後其子婦已萌悔心賠罪矣詎料其子萬福忽有怨
言云既令伏罪又令罰錢怪坤聲張所致坤詰其故答言
地保張受祿詐索十洋六百黃金虎逼付交鄉約局學老
爺與龔某調停此後有人照應不怕父告忤逆且囑慎勿
泄言恐莫城汎聞知再訪要出使費俞坤不信爰來訴知
竊思三榮一去之後並無回音莫城講約時萬福並未來
聽張受祿並不在場城鄉並未育鄉約局何得如此誹張
查律載地保得賄庇縱罪已不輕况敢指官撞騙肆口誣
人益無忌憚倘上憲委員誤聽風聞公祖既蹈失察之愆
學師與晚又蒙不韙之議所係甚大理宜重懲伏祈飭差
立提地保張受祿著繳賄銀杖責革退於西王廟枷號示
眾使一鄉莫敢效尤實為德便

昨接來諭知已提保訊責仰見聽斷嚴明力懲貪污之意
惟地保張受祿攢為鬼域始則指官哄嚇謊言鄉約局著
其具結須五十番繼又諱飾前情託辦酒菜詎知父子名
分攸關從無備酒合面之理况實係八洋三千有黃金虎



© The Tiffen Company, 2007

TIFFEN Color Control Patches


Blue Cyan Green Yellow Red Magenta White 3/Color Black

見付俞萬福親口來訴何得狡賴祇供兩洋且受祿得錢之後並未代辦酒肴唯於三界村神廟屠豬賣肉廣播流言聞之殊堪髮指至俞萬福已叱妻賠罪俞坤霽顏似無庸議唯求再提該保嚴究杖責著將詐贓全數繳還能初號莫城示眾以儆貪詐而杜效尤則更快人心一鄉頂祝神明矣飛稟上覆諸頌冰鑒謹頌升祺不一

五期又為其受祿養廉

前荷復函即呈謝柬正擬登堂聆教迺蒙華翰重頌銘感之私何可言狀刻下籌救荒之策撫字心勞中澤微鴻當


又沾恩既矣至如張受祿一案登幻迷樓既蒙昭雪鯨吞欲壑復革頑風過客至劍城咸指荷校者以為戒且嘖嘖於冰鏡之清屬在棠封矣如忤舞况體鄉儒之心免經縣胥之手飭俞姓徑領還金將官清民樂徧貼鄉鎮間考察定書上上也唯莫城義學捐僅百金而繳未及半欲為經久之計須湊多錢以公祖體恤孤寒諒善作者善成弗使義舉不終耳下半年能如見許之數補撥廉泉否或籌款酌支更為長策因災區未便勸分二三畝瘠田又無實濟不得不仰主裁專此復候德音并頌升吉



又
駕臨劍城。因恙未能擁篲。尚望海涵。見諭保甲一事。理應
勉襄。俟耐勞再出。應有憲定章程。祈示備遵。但南鄉之高
或向有甲長。或從無甲長。必須飭保查田多而公正者。報
明備請。若董事則如李瑞棠。朱詢如。張寶青。朱鶴齡。張潤
甫。朱一泉。吳秋亭。家伯謙。才品兼優。可備委任。爰東奉聞
呈吳學師
呂舍人信佛。借桃梗以惑一方。燒香者如市。而聞黜異端
之說。論恒有忌者。必須監講官同為指迷。駕蒞為幸。

與平雪庵

日前附札。知係公出。未得回雲。彼此繫匏。一館敍晤。久疎
想賢喬梓。砥礪芸窗。行見芹桂。聯芳非唯大莪。宅相且繼
漢代勳名。凡在中表。與有光寵焉。刻屨中秋。讀書家皆定
來歲之局。倘有貴相。好子弟。有送藝者。倘不以為荒蕪。儘
可來問。况太原書生。均馴謹。可卜近朱之赤。可期勝藍之
青。明後日講約來南。再圖會晤。即候文安。
與家伯謙



定膺邀餽廩以視頑兒之試聲艱澀弗克廁詠霓仙班奚
童霄壤仲舒姪行將發棹聊具月餅百合為入場之需祝
從今宴博紅綾百凡合意非徒作芥獻也熙則連說不行
秦書何止十上或月杪送試探吳門秋色正吾姪招覆之
時可作竹林小集頌頌捷安兼詢侍社


九月與陳生晉三茂才廉賢

前聞捷音信足張我一軍老夫為之雀躍想堂上老椿更
欣丹桂芳也正擬登門拜賀迺蒙華翰遙頌書法駢文悉
臻神品更讀試藝純乎性靈如初榻黃庭恰到妙處從今

努力芸窗少年連捷文章報國定步勾山詎僅芹池中
物耶草草加墨幸恕疎狂另錄一通以示兒輩指南庶得
梯雲之路原稿隨繳俟入泮有期再來道發軔之喜肅此
布復卽頌侍祺

呈沈邑令

自聆鈞誨倏已兩旬渴想之私無時或釋適稔勳災解盜
懋著賢勞不日定膺卓薦保甲造冊應齊俟責役下鄉當
督保於附近地方逐查戶口刻屆月尾薪水乞付來入專
筆鳴謝祇請崇安




十月復張寶青

接誦瑤緘并頒珍品緣稊生而設醴抱甕煩君試夢得之
題餽承筐惠我而且難壇取子遺文甫以佩珠請饌調侯
免馮煖之彈缺歡形三躍寵等百朋第念味味一中轉累
蕉杯之勸神非九烈翻叨棗祀之誠銘嘉惠之圍圓黃中
卜美拜小鮮之餽問素食增慙勞仙使之提攜俾老饕而
醉飽受煢欲返璧卻恐不恭投李蒙報瓊當之有愧苦無
甘脆佐潔養於北堂聊誌寵光謝隆儀於東道敬具寸箋
復候恭詢潭第泰禧

覆沈邑侯


公閱保甲章程悉臻妥協仰見賢侯籌畫之精心第保甲
不能無長而派長又極難事南方風氣柔弱聞保舉圖董
則樂從一聞派當保長甲長未有不畏避者無他一好名
一懼累也倘地保挾嫌故報或苗人賄囑免派興一利轉
滋各弊卽紳董查出已煩擾不堪矣且為長者須具結畫
押難保日後無虞地保疎防則有責而村主非在官人役
設派而不應將何法以處之此事自當預籌若圖中有恒
產者凡遇公事理應贊襄况附近戶口素所熟知請為圖



董諒亦不辭但須平生清白終歲家居而又能幹者始則
督保查戶繼則押保時巡各有身家誰甘不防盜賊此無
保甲長之名而有保甲長之實焉至如巷門之設祇宜城
市十家牌亦然若村落教家似但懸門牌可矣亦不合巷
門鑼則有船之戶都備或再集資連柳添設一家有警則
比鄰鳴鑼柳以應同力追捕不出者坐罰獲盜者立賞鄉
鎮少客寓而賭場煙鋪容易藏奸似須掃除淨盡神廟佛
庵不無寄宿亦須查詰精詳至稽查船隻自宜照章嚴密
惟給牌立總恐吏胥埠役藉端苛索須諭禁在先僻路向

立水柵如來往總河立柵多不便况其費浩繁民力有所
拮据惟黑夜行舟地保及村鎮之人俱宜盤問每遇冬防
各戶須出了輪巡或支更警夜貧而乏入者聽其餘三時
似可照常查察以順人情敢獻窮莧統祈裁奪外附南鄉
四十二畝可膺圖董者開單呈覽

十一
又



人也近沾膏雨菜麥滋生可慰慈父母之望歲唯月初寒
暴災區無力置衣忍凍多病幸同事張寄軒上舍王聘軒
明經施送綿衣晚苦家貧弗克多助莫城一帶租事照常
而潭蕩以南佃農觀望冬至在即僅繳十之一二糧從租
辦恐誤大漕祈飭保緊催兼於吳塔新莊發示勸諭南鄉
厯厯在公者近無一存而地方遼濶僅晚一人稽察未免
疎虞況精力衰頽繫匏一館子幼不能代勞尤難得子弟
壯強之歲亦嘗勉竭駑駘自辦賑邀獎後餉局練局俱
未及備文爰叙閱厯一紙冒瀆鏡堂得一知己可以不憾


伏希垂察焉泐此布復敬賀節禧不宣

十二月二日與居敬止明經清綬

月前聆教快慰夢思刻想萬卷埋頭借丙舍之窗攻甲科
之藝來年發解首推明經公也措僕羸老弗克追陪只好
藏倒綱之拙風雪淒其兒輩號寒已甚正想披裘聞足下
擁狐貉之珍餘羔羊之潔肯令葛帳子得借餘溫謹繳原
價六番祈將皮桂擲下願賀歲禧

庚午與馬心齋偷舞

不見白眉者半年於茲矣正擬一舟訪戴補叙離踪適蒙



賀東先施殊形歎。反適喜絳帳在咫尺。間獲時時叨教於
太平。世界回首烽煙致。唱和同仇爲陳蹟。亦爲佳話彼此
斑白。萍聚有緣想亦碧翁祚合也。前於紫陽塾見閣下出
對云五更雞。高足中有言千里馬者。頗有靈竅。遂號千里
馬。追雲北向。五更雞。唱月西行二句。厥後轉成一章。追步
家大人山左道中作。爰筆附闡侯館課少暇再拜矍鑠翁
幸寬後至之罪。卽賀新禧不宣。致院部。西。會。之。百。六。甲。林。
與家伯謙

傳相節過想老姪。殿門謝客專攻舉子行。見振家聲繩祖

武癡叔亦與有榮施也。仲舒來云欲爲隴西請太原吉庚

熙已談及門楮相稱頗無不合。主人已領之可於仲春初

二成日來。倘有天緣姪作冰人。照作月老玉成一婚事亦

大方便可。減平生罪孽焉。卽頌文祉。

與秀水錢伯聲太守


御鉢

睽違三里文旆遐瞻節駐二年水衡久掌去夏肩隨小阮

欣附竹林今春躬賀新禧更投毛刺適覺飛於珂里難接

音塵殷鷺跂於劍城又揀筦算所恨繫匏一館空仰文星

兼之傳座三旬苦纏舊雨比想寓公酒沽亥市時助越吟



TIFFEN Color Control Patches

© The Tiffen Company, 2007


Blue Cyan Green Yellow Red Magenta White Black 3/Color

波捲丁簾暢觀湖景客窗拭几讀書添金鴨之香商舶迷
津抽稅供木牛之餉分廉泉以資飾傳舍更新許義塾之
蒙求愛才似古縱橫張草借賓從而題碑提唱謝蘭約復
髦而角藝孝廉船泊頓成鄒魯之鄉文貞笏傳行蹈高曾
之矩况黼堂宗伯係前輩座師孔李通家幸彼蒼之作合
蕭朱結綬當吾素之披陳用呈邱壑之圍蓼菽抱憾爰索
江峯之句蒲柳增光雖半面緣慳咫尺猶嗟雲樹而三生
契合神工早賞雪蕉如僕則棄甲名場未承衣鉢濫竽公
局差等藝材權輿倖以采風謬編詩話忝道人而徇鐸難

卻聘書萬卷笑梨徒供捧腹雙雛覓棗園獲傳心縱經蓬
島掃花丹虧九轉所喜梓材來楚德借三熏絲竹陶情倘
許李墓撤笛簿書休暇應容玉質觀棋曩時會路樓頭戮
鮑運策後日待懸廟額隨燕升堂勿峻龍門欲快識荆之
願先馳鯉札聊輸傾藿之忱祇頌泰禧統祈臨照

二月與蔡順卿少府

久不晤想甚大作可傳盍卽投梓俾返適風行快景涅卿
雲之觀非特范莊義舉足千古也聞令姪處帳局久懸茲
有敝房東李琴仙會計頗精人亦練達爰作曹邱之薦可



TIFFEN Color Control Patches


© The Tiffen Company, 2007

否玉成還祈鼎力吹噉卽俟好音並頌潭福
雲復黃敬銘
正在渴思適接華翰駢四儷六足覩邇來精詣爲翰苑先
聲非僅繩桂林祖武也喜悉小女神位擇三月八日送入
總祠理應遣大兄拜奠但敝處喚漆工早製栗主恐已告
成此事竟有同欲去夏次女遣嫁未幾慘賦寡鵠後顧增
悶唯長息爲宦家嬾尚能不沒烈腸愚夫婦聞之殊堪慰
藉所恨阮囊羞澀寸敬毫無况令弟心耕蹤跡久疎未識
可能過我遠冰清瞻玉潤信宿留連否老懷殊爲惓惓走

筆奉復卽頌棟安

三月呈沈邑尊

月前詣琴堂祝壽母見老萊戲綵愛日歡騰旋叨阮陪
宴湯餅誦介眉之詩而主人自撰百花生日寸草春暉一
聯尤天然巧合純乎孝思爲之擊節者再厥後以從姪姻
事上瀆清聽猥蒙據律判草俾破鏡重圓闔族惟忻戚感
玉成之德正欲踵門叩謝適明公鞠案辛勞未敢塵擾近
聞七番正兇已獲鬼域難逃冰鏡慶幸何如唯保甲草創
里胥造冊舛錯頗多卽如敝處門牌名則缺寫偏房地則



誤填祖籍甚至苗董為別苗之人當囑十五苗地保更正

據云冊已繳官不及再改從今須鄉董督保逐戶稽查庶

無含混諱約至吳塔訪知南四場四十八都十一苗查家

浜有地棍劉大恃老脅詐多家攔帶刀入人家如吳塔陸

朱姓則欲索百千詐未得遂聲言再來聞有子非貧乏

理應留父供養何任到處行兇設弄假成真罪何可逭又

豐二場四十四都十苗小橋浜有圩甲李二借公硬索歲

例新充圩甲借屏水之名各處索詐近又向本鎮米業朱

塘路險勢須卷門屏水在田并其家巷門言礙支事地步但沿

苗蘇家壩催子劉姓茂視宣講阻撓義捐向催學田祖屋

作弊侮慢學師

近因宣講積福庵村主錢義根助資義學祈於論話地

謂勿聽胡言勿行好事我知飲酒而已保之時飭令約束勿長頑風晚忝鄉約保甲之委用敢附

聞專函稟謝並頌升祺諸希鈞鑒不宣

與錢伯聲

光題拙照詩書雙絕可作家珍非徒見兩浙人文且下來

歲大魁之兆來約課卷恐曳白有負垂青姑急就應教但

四子經題及詩題俱風雅而塗抹了事祇顯俗氣不堪塵

穢法眼也草此申謝即頌春祺

呈吳學師

竟犀于高



TIFFEN Color Control Patches

© The Tiffen Company, 2007

昨接鈞諭知十二日駕臨木排庫不及留待歎仄良深師
臺屢爲黃石公而熙慣作子房後至故於是日清早放棹
久侯庵中其時陪話諸陸已腹枵爰同拜牌宣諭
約二三刻倘官舫卽到尚可拈香講畢回船猶引領北望
飯後不見文狂想猶小潭蕩之約事阻未果用敢賦歸詎
意石尤風惡午後始臨諒地主里胥已鳥獸散設身處地
何以爲情容當員荆謝罪後月准開地名請訓定期勿敢
再令緣左也專筆馳復卽請升安


與俞旭初上舍

文鋪

不面者又數旬矣春陰養花定多佳興想輞川詩畫端木
懋遷經濟才華竝行不悖誠隱市之梅子真也若弟則一
館蠅須俗冗蠹集望君如天上神仙企慕奚似前令弟進
翁來售白粲該找價六十四番已踰半月刻等安排塵務
祈速擲來叨在知心亮涵督催之咎俟雞壇重聚暢領蘭
言茲先布問闔潭近好

與錢伯聲

承賁瑤章蒲姿借重但藻飾逾分何以克當以感以媿比
想月旦正忙提唱後學不讓安定蘇湖課程當爲天下式



© The Tiffen Company, 2007

TIFFEN Color Control Patches

Black

3/Color

White

Magenta

Red

Yellow

Green

Cyan


Blue

詎唯虞陽一隅耶專此謝教俟暇再聆塵談也祇請台安
五月又
足下於督稅之餘行區田之法南陽經濟不待出廬而顯
也况風流宏獎更留意於人才三吳文士盡收夾袋中欽
佩奚似辱蒙左顧正擬謝步而朔日適聚仙壇暢談書畫
更附仙舟還里殊令塵容俗狀消融於叔則丰標矣行館
近市諒惡寬通處惟桑觀察家有花園欲屈嘉禾名士
三徑一遊弟當陪羊求而往詠霓集可先還大序儘緩勞
雲漢司馬周小堂齋長黃慎之茂才處均祈此候欲索三

代諱字銜條及公子榜名希示知備入內譜諸費清神想
亦不爲萍水之泛即請崇安

呈吳學師

艾綠榴紅午節清爽想蒲觴引典倍助廣文三絕企慕何
如昨陪秀水錢伯聲太守桐鄉勞雲漢大令江陰周小堂
齋長茗話仙壇詢及吾師起居知係素交囑筆候好滿擬
晉謁鱸堂而觀社倦遊弗克如願先君詩集梓成俟印報
謝本月鄉約已講數次而東湖南之木杓灣吳塔西之查
家浜風俗澆漓已有人來邀請祈先定一處示期往講在



TIFFEN Color Control Patches


© The Tiffen Company, 2007

佛庵恭侯監督也敬賀節禧

六月與張寶青

不晤又半月望三益往來時時開徑而空谷迢少足音想
殿門讀書憚暑途跋涉也僕老矣幸得大手筆發揮庶附
驥尾以顯第推許過當而稍有失實處恐百年後未能徵
信節去數段如何雖無可傳之事而賴可傳之文空際著
想匪特隨園先生如是即八大家亦不免也他日讀君之
撰傳或信龔某果然非局縮轅下駒可比借重多矣僕擬
於場後集近人試帖措詞典雅屬對精工五色陸離合時

下花樣者二百首分天地人物編作四卷爲新樣錦花集
坊友頻囑擇尤代刊或有詩者各湊刻資亦可發店牟利
但須請聞人作序或能傳世行遠尊處倘有佳篇還祈擲
下輯人校人都可借書以傳羅江東抵得榜上名矣然乎
否乎謹補送先君子詩集中附鸞言祖集亦然葦江集及
拙集想鄴架早登故不復贅三代著作一時行世稍慰寸
衷其他皆身外之物古來狀元宰相能傳者幾人非有大
品望大經濟大文章不能千古也非與聞梅沈公祖言亦
點頭不已將爲渡江之行定於七月廿二恭請代庖可於



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

廿一日開塾想教學相長亦進取機會非若老鴛爲無益
之舉徒取笑旁觀爾草此布問著安不莊不備公顯言示

七月呈邑令沈問梅醴同

錫華


華

刻下風調雨順可卜有秋莫非循聲所召下車伊始而官
清民樂已貼徧街衢足見冰鏡燭奸絃歌溥化叨居治下
何幸如之晚自聆教後奉揚仁風奚敢憚著本月已歷三
鎮鄉民環聽始則點頭繼則革心南鄙之俗稍變皆由賢
父母之愛民故贊襄易效耳所懇恩者莫城枷犯陳三承
憐暑病及早釋回來言少年孤露罔稔科條賴好官代父

兄之責又施保赤之仁從今悔罪彼嗣母生母尤感激銘
心所有住宅封條往來行人連日指視戒勿效尤是其罪
狀四聞今已滿月可否飭保揭去俾得仍舊賣茶藉養二
老唯博局不許再開能俯允所請則其全家銜再造之恩
矣晚迫於赴試不及赴琴堂拜辭特專函上瀆卽候德音
敬頌升吉

八月又

自聆鈞誨蟾月重圓渴欲長侍棠陰時叨教益柰繫匏一
館未遂鄙私比聞鞠讞精詳士民悅服吏行冰上人在鏡




心不圖於明公見之台駕前臨劍城適義塾師孳生入城
購書晚又在金陵失迓祈諒下懷南鄉講約因試假擬自
九月朔講起月凡六期不敢負委翁家莊楊家壩地保均
勤慎可嘉特為稟悉唯義學集資不敷三年之用所呈捐
簿懇迅撥廉泉書數擲還以備再行勸助孤寒子弟如望
慈父母從今感玉成之恩矣俟塵務稍閒即詣琴堂領諭
茲先肅稟謹請升安不莊不備

覆張竹垞司馬

日前謁耆英瞻精舍一杯清茗滿架異書如入仙壺令我忘

老況廿年以長猶能踞坐雄譚握手傾襟差慰八年離緒
何快如之旋陪步雲少府叔仁司馬講約社堂而士女環
聽有如堵牆足見珂里仁風勝我劍城薄俗一經懲勸不
難企鄙魯焉況地保勤慎異於其夥之玩公當稟知沈尹
瀕行恐勞杖屨未忍告辭而有累招呼并以傳稿下示盍
誦之下見雄健如老杜清新如放翁從今付之剞劂可卜
不脛而走價重雞林惟其中頗多豕訛畧為校正至於作
序姪不才胡老而賤何敢弁言姑就平生所心折綴入巴
歌仍希主政有故友張寶青善古文欲叙德行文章浼其




撰生傳容再寄呈望後送兒郡試想梨園者累日倦游返
權適接手書益覺老輩多情一日三歲勝於白頭如新者
矣唯藻飾逾恆彌形慙惡睽違半月飢渴殊殷想於此靜
坐齋嘆梅書草清興增佳不似勞薪跋涉頑石叫蹠村夫
子之了無趣味前年元辰復稟竟爲殷羨浮沉茲特補上
因彼此交情見於駢儷長者倘不嫌瀆乎新正又適或假
觀燈之便重訪翁莊當補未了之緣也先君子時藝無力
鋟板所以祇刊言序未知此願何日能償大集二本加封
完趙伏祈登收呵凍草覆乞恕不莊敬請曼安不彀

十二月 稟沈問翁

今晨衣冠晉謁適公忙未及晤談所有義塾明年仍請孫師
其館課晚當稽查不致有名無實第一切事宜仍須主裁以
備遵辦捐簿祈檢出擲還立等查閱專此留片俟駕臨劍城
再請事也卽賀節禧

又

自公下車時和年豐而琴河又濬可企古之平成況人情踴
躍一聞完錢糧以省催科之論無不點頭足見官清民
樂也日前留稟請安諒蒙存記義學近課加嚴囑塾師解館




較遲勿負琴堂委任唯捐數留案數月今屆年終須速歸
查核以備來歲開銷臘月講約恐塵務逼除早周六鎮薪
水仍託包君代領希并擲交拜賜鳴謝順賀歲禧

寄江甯黃慎之茂才思永

菊秋一面渴想至今緣一館繫袍兼之公私蝟集未及時
問興居爲之歎仄適惟臨池興勝驚座文豪以餘力筦算
水衡荒陋劍城借寓公而生色矣有賀歲帖欲刊求大筆
一揮冀三代賤名經品題而增重想勿嫌瀆也預謝法書

兼頌旅吉



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

兼頌旅吉

較近勿負琴堂委任惟銷數留案數月今屆年終須速歸
查核以備來歲開銷臘月講約恐塵務迫除早周六銀薪
水仍託包君代領希并賜拜賜鳴謝順賀歲禧

寄江曾黃慎之茂才

天

菊秋一面渴想至今緣一

繁絕兼之公私埒集未及時

問應居為之款又通惟恐

興勝密塵文表以餘力蒐并


水術荒傳劍城借寓公

邑矣有賀歲帖欲刊求大平

一揮冀三代姓名經品題

增重想勿嫌讀也願謝法書

國家圖書館 NATIONAL CENTRAL LIBRARY, TAIWAN, R.O.C.



TIFFEN Color Control Patches

© The Tiffen Company, 2007

國家圖書館, NATIONAL CENTRAL LIBRARY, TAIWAN, R.O.C.


Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



鏡墀軒尺牘卷五月錄

新同治辛未

與沈問梅三札

張竹垞二札

吳璞卿二札

沈問梅二札


龐崑圃二札

顧子和

曹小卿



國家圖書館, NATIONAL CENTRAL LIBRARY, TAIWAN, R.O.C.



3467520 v16



會印若

金章

邑人同治丁卯舉人

方莘卿

鴻綬

邑人郡廩生同治丁卯舉人

季敵卿

葉相亭

李蒸

邑人精醫

蔡清臣

永昌

邑人議敘八品銜

葛楞香

榮春

長洲人能詩

張寶華

藝潤

邑人

陳瀛賓

敏

邑人工書詩能醫

曹玉舫

貴登

邑人字蔭若

生能書

家勤齋

成業

邑人監生

朱績齋

懋會

新陽人同治丁卯舉人工書

汪耕餘

福安

安徽懷甯人監生江蘇嘉定吳縣知縣

蔣石楓

士驥

邑人優廩生同治庚午舉人辛未建捷

曾士常

吉章

邑人廩貢生試用訓導世襲雲騎尉

汪耕餘

二札

吳璞卿

二札


朱績齋

四札

汪耕餘

士申

癸酉



同治壬申 癸酉

汪耕餘 四札

吳璞卿 二札

張竹塗 二札

徐步雲 鳳庚 邑人 監生

家小安 桂 長洲人 附監生 候補縣丞 分發

余半村 崑山人 一字少墨

居敬止 邑人

金湘坡 海壽 邑人

汪耕餘

家蓮峰 倬 長洲人 附生 工醫

陳君脩 仁壽 常熟人 同治庚午舉人

張竹塗


葛榜香 榮椿 長洲人

姚翔雲 鵬飛 長洲人

袁春巢 學潤 元和人 附貢生 候選 詹事府主簿 加二級 從五品 銜 工詩文 賦 著作 多刊

葛榜香

王星如



顧予和

朱又村

曹玉舫

錢芷升

馬心齋

王星如

張寶青

金省三

王惠山

王星如

張寶青

張竹沚

翁叔平

同錄 邑人 號聲甫 一字詡夫 道光己酉拔貢
七品小京官 刑部候補主事 咸豐壬子順天舉
人 丙辰狀元 戊午陝甘副主考 學政 同治壬戌山西
正主考官 事府督善 庶子翰林院侍講 和德殿行
走 國子監祭酒 太僕寺卿 內閣學士 兼禮部侍郎


曹玉舫

徐培之

家少溪

國霖 長洲人 保舉知州 賞戴藍翎
邑人 監生 侯選光祿寺署正

嘉桓 安徽懷遠人 署元和知縣 鹽運
司運同 銜代理 常熟知縣 賞戴花翎



同治甲戌

與魏半農

暇先隸州街

湖南衡陽人廩貢署常熟縣知縣直

曹王

馬五
八
會
蘇
紫
三

鏡輝軒尺牘卷五

同治辛未
月稟沈問梅邑侯

未聆鈞誨者已數月矣客冬樞衣晉謁而尊閣辭以公忙

不獲面陳一切元旦載肅賀柬懸系至今晚見委南鄉米

風有舍親毛濟川丈新得元孫係五世同堂親見七代例

合舉報第請詳達部房費浩繁蔀屋老農何能措辦倘有

簡便之策恭候指示以備遵行昇平人瑞從古罕逢唯

化日之舒乃長乃仍雲之遞行亦係下車以來德教熏蒸



國家圖書館 NATIONAL CENTRAL LIBRARY, TAIWAN, R.O.C.

民臻仁壽。吾邑自先曾祖舉後已五十年如鳳鳥龍圖。曠
代一見。洵梓鄉盛事也。稟稿親供以及里鄰親族結狀呈
請大裁。或免通詳。得蒙給匾獎勵。亦不沒五葉之祥。將來
志乘流傳。皆公之賜生。

壽宇者。當何如。折幸耶。專函馳報。祇請升安。

再奠城義塾。前年脩膳。義民公祖給錢十千。其餘集資補
足。業經報銷。去年經費。會請主裁。倘民捐民辦。未識仍要
開報否。統希鈞諭。以便恪遵。生徒現定六人。緣館金館穀
兩項。頗費。聘柬仍書四十千。住持香金地保脚費。亦照舊。

唯開學。僅供茶點。裁減酒筵。向例開館。官示日期。前因台
從。晉省未及奉聞。茲擇於十七日。送師入學。乞頒紅條。備
貼廟門。是荷。


滿擬踵候。兼稟南鄙情形。恐公祖出入戴星。未敢瑣瀆。自
上元。吳塔塘西開講。至今三期。撥傳座之忙。拋試燈之會。
勉圖報命。支半月盤川足矣。叨惠謝謝。謹頌升祺。

呈張竹淫司馬
拜別。又已改歲。想道履安康。潭棋綏吉。錫蕃時君。回接到。



華翰兩函並四書訓解全部三餘雜誌五卷仰見綺注殷
拳雲情優渥感泐奚如元旦對梅花斟椒酒開編玩味覺
經學史學不讓賈鄭馬班淵博如先生可嗚當代前輩亦
韓司業菊亭大令後不可少此薪傳將來郡邑志中當采
入文苑傳也特先裝訂永作家珍第硯冰手僵不便握管
呵凍草謝乞恕塗鴉前年惠贈大箸缺續補一編今留附
釘其餘正續補三編轉送寶青因其允作生傳已開節畧
去耳至如阮仲容之亦稱步兵詩邂逅之誤注邂逅本非
杖杜翻證金銀茶謨爾雅不熟愧滋甚焉以八十二耆英

尚景錦心不情之至唯聘軒王君讀正誼書院鴻製向若
驚奇用敢煩一代作手表先人忠義儘可緩酬令叔香畦
草堂集暨錢梅翁詩草年譜如版尚存祈轉向綾書叔仁
兩兄索示謹申謝悃并請年安外附賀東代步俟春融卽
當踵候恐就館洞港把晤愈艱也天氣嚴寒伏惟珍攝不
宣
又復
初五日接奉瑤札三緘備紉壹是五日中午疊蒙垂念唐人
三夜頻夢於斯見之銘感奚似承題後彫圖一詳一簡各



鏡湖軒稿
極其妙聘軒王君卽裝池於傳座徧示嘉賓咸嘆傳人之
筆如香山白傅洛社潞公來片囑謝比稔地行仙入春愈
健鶴髮童顏孫曾裏鳩杖之扶戚友獻兕觥之祝日臻蔗
境可卜期頤吾里亦有毛滸川文年八十二新得元孫五
世同堂親見七葉熙以姻誼同人具公呈於邑侯虞鄉自
先會祖後又添佳話然耕鑿老人未能如公之擊壤可歌
壽星更文星也如熙則三年義學籌費奔馳半月仙壇撰
文絡繹兼之送迎賀客宣講法言日無片暇矧又迫於赴
塾長作勞薪視吾叔之市隱逍遙窩居安樂奚翅天淵至

如貴族寶青優於作傳而序例未諳已致意強其改造第
感風熱朕痛爛於應酬俟耐勞再圖報命錢君叔仁惠贈
先集二種廢寢忘餐枕靡不厭知珂里聞人王公虛左全
係才學之宏通四海知名豈值耆碩藝林增光邑乘耶附
東鳴謝並答賀禧一帖希飭紀轉文敬請曼安統祈亮照

二月復吳學師

前日廿六午刻詣貴署請安欲領今年鈞諭尊使言主人
已於今早上蘇遲到爲歉至廿八日抵塾敝東云台駕於
清晨到館並留片示以及諭單月報有失倒屣悵愧至今



鏡城雜錄
小兒初次觀場能不曳白已為過望唯表弟朱一泉縣府
前茅定邀院取藉呈空白兩諭單祈填日期即交其寓如
吳塔程巷可於送試事竣回常便途取次監講長春似可
留連也專函馳復并頌升祺


三月又

久雨閩人繫匏鄉塾不獲詣蘇垣行館暢領高譚未免鄙
吝復生矣辰維監試將闋文武新生贊儀競獻可酬兼旬
勞頓喜慰何如姪冒雨宣講已歷五處僅存吳塔一鎮擬
廿五日陪駕勸懲庶幾德教南行奉令者亦與有功也第

屆期未識試事可畢否尚希示知鄉曲寡聞祈將老案一
等及新進正案擲來備填芹譜附上月報單乞交家靜瀾
備文另寫諸費清神謝難筆罄猶有回示可付新貴朱一
泉帶回敬請台安統希電察

吳泉復沈問梅運同

泮宮一拜修已兩旬翹企琴堂時勞夢較崑園龐司馬來
信知公祖於五代事乘應藩憲未邇篆亟欲出詳囑其轉
索宗圖極感贊成至意詎料河西福薄新得之元孫遽於
初四日玉碎孤負盛心曷勝嘆息尚札奉聞即頌升吉



復龐崑圃司馬鍾琳
接奉手書知五代事邑尊已於十七日申詳不及收回矣
第毛濬翁因力難辦費矧有遺憾欲請邑侯勿詳如可稟
明委曲原摺註銷大是妙事否則兩三年中又抱元孫乃
爲完善姑補上宗支圖轉煩飭送琴堂請沈公祖定奪至
於事實不過忠厚樸誠非有大過人處似無庸提唯匾字
已頗容當詣府祇領理應具公稟申謝恐不如式出月初
躬候尊裁也種費清心感泐無既卽頌禱祺不宣

愚昧又

示

日前躬候快慰慕思至今茗味花香猶想仙壺勝境草擬兩
稟塵視恐不合款惟希改定另書飭送琴案城鄉相距不及
甲第密通官衙容再面會縣公鳴謝一切見諭禮房辦文費
特奉上銀餅二番拜煩轉給邑尊詳稿析索示備存種費清
神感謝不盡公子捷音在卽當踵賀再談也敬請時安不莊
不備

四月

與顧子

料理猶子之喪連日奔波未克造候還希海涵聞佳公子
留邸固見有志竟成亦緣公卿虛坐少年才富自應有此



鏡城輯和
機會也未識目前可試教習否抑應揀發否且新孝廉例
得四班通選及早服官顯親報國況校官儘可會試亦
屬兩便之圖不礙前程焉推事親黨子亦天倫急務仍望
長安不久居然乎否予會元姓名藉貫祈示悉備入千佛
名經再李固言禮部試有芙蓉入鏡之目何解或云試題
恐未必爾懸眎確詮老邁空疏唯望益友南針以備子弟
之率教種費錦心銘刊五內祇請節安

與曹小卿員外應震會印若中翰金章李獻卿明珠方

辛卿 馮綬 兩孝廉


舍姪慘變叨在世誼亮荷哀矜借光大名發單存沒均感
專柬致意順問節佳

六月與葉湘亭醫士 李恭

前承厚真存歿銘恩屢費清神尚虛李報原擬畧備甘脆以
娛洞仙第未諳食性聊附青蚨十二券作種杏之資推希晒
收餘容面罄即候道安

復蔡清臣少尹 永昌

近治舍姪之喪致失送令兄之殮以順翁詩酒舊遊近聞義
莊撥產文廟捐金有寶燕山范文正之風生已傳人何況身



後文章孝義定入郡邑來中如照筵末那能發洪鐘之響第
數十年知己不可無言見妾輓歌走筆草應所恐疥壁奈何
俟鶴弔有期再具束芻躬奠也即唁哀安

林籍覆長洲葛楞香

榮春

新正造賀頗慰葭思舊侶歡逢還選橋賜劍城賽社望冕烏
兮不來洞港行窩阻鴻溝以如劃近又竹林罷宴拊擋小阮
之喪梓里邁歸料理細君之疾況徇道人之鐸問俗采風兼
聆宓子之琴迎新送故正擬露函布候迺蒙雲朵先頒祝兒
輩之雄飛瓊廚錫寵解老饕之載渴玉井分甘對使拜嘉愧

無李報逢人說善祇有葵傾聊搜三笈名山中世交於三代

徐議一條帶水越天塹於一朝會當補叙良緣重訪延之後

裔謂尤德追尋勝伴再登明徹高臺吳子更祈台從來遊仙


波迎化龍之杖況乃主人舊識朱又樂園暢揮塵之談載尋

白犬之盟清風腸詠當勝紅羊之劫爾日流離爰勅十丹謝

鮑珍之稠疊敬脩尺素詢福第之平康凡此芹忱伏惟荃照

姑不復張寶華藝涓

火織張空揮汗不暇祇好拋卷招涼適接環雲宛聆霏雪
大著盍再擲示以清老眼豈精益求精正在敲字耶聞省



垣有大力者將索西窗詩話借詩存人刻以公世其中皆
貧窮抑塞或困科名或少似續或短年華恐與草木同腐
故不惜手胼必須采錄近來陳瀛賓寄我尋閒小草擇其
雅馴者補入諸君子能廣搜故舊遺珠尚未刻集者惠戒
則三千滿願公等亦與有功焉至若鄭衛淫哇聊做揚州
板橋吳門畫舫之例興到爲之乃係少年結習可自怡不
堪持贈也第卅年存篋敝帚獨享人間誰識有真嫌蘇
小更誰知有玉谿冬郎姑應玉舫子之命轉讀視聽因
其少年老成自有妓而心無妓不至由情入魔故可備

曹倉之株如足下則天真未鑿慎勿寫目開情實以累功
名六十二老人十二試不過坐此筆學方悔狹邪之遊早
欲付丙爭敢引誘佳子弟乎倘玉翁欲假銷暑作行雲流
水觀謂龔果數十年心血不嘔名場而用色界宜其垂老
無成爲造物忌吾輩當鑿諸則尼山不必剛可爲閱者戒
桑中洵外之吟儘足千古歟著中草復乞恕狂談

七月 與陳瀛賓 敬

年邁筆枯久不弄翰通仲舒姪帶來大著盟薇雜誦驚波
瀾之老成造化筆一枝未識何年天授南鄉得此振式浮

